

**ERABAKIA, 2019ko urriaren 21ekoa, Unibasq Euskal Unibertsitate Sistemaren Kalitate Agentziaren Gobernu Kontseiluarena; haren bidez, Gradu eta Masterreko unibertsitate-titulu ofizialen prestakuntza duala edo nazioartekotasunaren aitortzea lortzeko deialdia onartzen da, eta argitara dadin agintzen da.**

Ekainaren 28ko 13/2012 Legearen (Unibasq-Euskal Unibertsitate Sistemaren Kalitate Agentziari buruzkoarena) 3. artikuluari jarraikiz, “*Euskal unibertsitate-sistemaren esparruan kalitatea sustatu eta bermatzea, Espainiako Europako eta nazioarteko esparruak aintzat hartuta*”, “*Euskal unibertsitate-sistemaren kalitatea hobetzen laguntzea*” eta “*gizarteari agentziak garatutako jardueren emaitzen berri ematea*” dagokio agentziari. Hori dela eta, Euskal Unibertsitate Sistemako titulazioen kalitatea enpresarekiko erlazioaren eta nazioartekotasunaren eremuan sustatzeko eta gizarteari erlazio horri buruzko informazioa emateko helburuarekin, Unibasqeko Gobernu Kontseiluak

#### **ERABAKI DU:**

Bakarra.- Gradu eta Masterreko unibertsitate-titulu ofizialen prestakuntza duala edo nazioartekotasunaren aitortzea lortzeko deialdia onartzea eta argitaratzea, honako oinarri hauei jarraikiz:

#### **OINARRIAK:**

##### **Lehenengoa.- Xedea.**

1. Deialdi honen xedea Euskal Unibertsitate Sistemako Gradu eta Masterreko titulazioen “Unibertsitatea/Entitatea prestakuntza dual edo ikas-ekinezkoaren” edo “nazioartekotasunaren” aitortzea lortzea da.
2. Aitorpen hori titulazio osora edo haren ibilbide batera zabaldu ahal izango da. Lehen kasuan, aitortpenaren ondorioak titulua ikasten duten ikasle guztiengana zabalduko dira. Bigarrenetan, berriz, ibilbidea egiten duten ikasleengana soilik.

##### **Bigarrena.- Aurkezteko betekizunak:**

Unibertsitate, Zentro eta Tituluen Erregistroan (RUCT) inskribatuta dauden Euskal Unibertsitate Sistemako Gradu eta Masterreko titulu ofizial guztiek lortu ahal izango dute prestakuntza duala edo nazioartekotasunaren aitortzea.

##### **Hirugarrena.- Ebaluazioaren edo txostenaren eskaera aurkezteko epea.**

Prestakuntza duala edo nazioartekotasuna aitortzeko eskaerak aurkezteko epea 2019ko azaroaren 18tik 2019ko abenduaren 18ra izango da, eta Administrazio Publikoen Administrazio Prozedura Erkidearen urriaren 1eko 39/2015 Legearen 30. artikuluan aurreikusitakoaren arabera zenbatuko da.

### **Laugarrena.- Ebaluazio-eskaeraren formalizazioa.**

Aitortu nahi den tituluaren ardura duen unibertsitateak aurkeztuko du eskaera, eta, horretarako, eskatzaileak agentziaren web orrian aurkituko duen eskaera behar bezala bete eta sinatu ondoren, Unibasqera bidaliko du.

### **Bosgarrena. Prozedura.**

1. Ikasketa-planaren ebaluazioa Bektoreak Ebaluatzeko Batzordeak egingo du. Batzorde hori ezagutza ezberdinen arloetako ospe handiko kide akademikoez (hauetatik atzerritar den Unibertsitateetik etorritako kide bat), profil profesionaleko pertsona batez eta ikasle batez osatua egongo da. Bektoreak Ebaluatzeko Batzordearen jardunek Unibasqek bere Etika eta Eskubide Kodean ezarritako argibideei jarraituko diete. Bere osaera agentziaren webgunean argitaratuta dago.
2. Txostena 6 hilabeteko epean egingo da gehienez, ebaluazioa egiteko beharrezkoa den dokumentazio guztiaren sarrera-datatik aurrera zenbatzen hasita. Adierazitako epean esanbidezko ebazpenik ez badago, eskaera ezetsitatz hartuko da.

### **Seigarrena.- Ebaluazio-irizpideak.**

Batzordeak erabiliko dituen ebaluazio-irizpideak Unibasqeko Aholku Batzordeak onartutakoak izango dira, Unibasqeko Zuzendariak emandako ebazpenean jasotakoak eta agentziaren webgunean argitaratuta daudenak.

### **Zazpigarrena.- Ebazpena.**

1. Ebaluazio-prozesuaren emaitza Unibasqeko Zuzendariaren ebazpen bidez formalizatuko da, eta indibidualizaturik izango da eskaera bakoitzerako. Ebazpen horren aurka, berraztertze errekurtsoa jarri ahal izango da, nahi izanez gero, adierazitako agentzian, hilabeteko epean.
2. Ebaluazioa aldekoa bada eta tituluak edo ibilbideak aitortpena lortzen badu, Unibertsitateak tituluaren edo ibilbidearen ikasketak egin dituen ikaslearen tituluaren gehigarrian aitortpena jaso ahal izango du. Halaber, informazio publikoan eta titulua zabaltzeko jardueretan, titulu osoak edo ibilbide batek onartutako aitortpena lortu duela azal dezake.
3. Tituluaren jarraipenean edo egiaztapenaren berritzean, ezarpenean gertatutako gorabeheren eta hobekuntzen berri eman beharko zaio Unibasqeri, eta ebaluazio-batzordeek edo bisita-panelek bidezkotzat hartzen duten informazio gehigarria eskatu ahal izango du Agentziak. Jarraipena edo Egiaztapenaren Berritzea egiten denean tituluak edo ibilbideak aitortpena lortzeko beharrezkoak diren betekizunak dagoeneko betetzen ez dituela ikusten bada, Agentziak aitortpena kendu ahal izango du, betiere Ebaluatzeko Batzordeak bidezkotzat hartzen badu. Nolanahi ere, Unibertsitateak bidezkotzat hartzen dituen alegazioak aurkeztu ahal izango ditu 20 eguneko epean, aitortpena lortzeko betekizunak dagoeneko betetzen ez direla adierazteko Agentziak igortzen dion jakinarazpena jasotzen duenetik. Alegazioak aztertu ondoren, aitortpena kentzeari edo ez kentzeari buruzko behin betiko erabakia hartuko du Batzordeak. Aitortpena kenduz gero, ezin izango da aipamena txertatu tituluaren aitortpenean eta ezin izango da erabili tituluaren zabalkunde publikoan.

### **Zortzigarrena.- Errekurtsoak.**

Deialdi honek eta haren oinarriek amaiera ematen diote administrazio-bideari, eta haien aurka administrazioarekiko auzi-errekurtsoa jarri ahal izango diete interesdunek Euskal Autonomia Erkidegoko administrazioarekiko auzietako jurisdikzio-organoei bi hilabeteko epean, Euskal Herriko Agintaritzaren Aldizkarian argitaratu eta hurrengo egunetik aurrera zenbatzen hasita, Administrazio Publikoen Administrazio Prozedura Erkidearen urriaren 1eko 39/2015 Legearen 114. artikuluan eta Administrazioarekiko Auzietarako Jurisdikzioa arautzen duen uztailaren 13ko 29/1998 Legearen 14. eta 46. artikuluetan ezarritakoari jarraiki. Halaber, nahi izanez gero, berraztertze errekurtsoa jarri ahal izango diote Agentziari hilabete bateko epean, adierazitako 39/2015 Legearen 123. eta 124. artikuluei jarraikiz.

Vitoria-Gasteizen, 2019ko urriaren 21ean.

Unibasq-eko Gobernu Kontseiluko Presidentea.

CRISTINA URIARTE TOLEDO